

cies movit sine intercedente ullâ ventriculi naufeâ, intestinorum
vè qvantillo tormine, aut jactura virium; immò cum notabili po-
tiùs assumentis tolerantiâ ac *sv. Op. iæ*! Ex eodemqve fundamen-
to Mechocanna melius in infuso, qvam formâ pulveris accipi-
tur: infertqve SCHRÖDERUS (lib. 4 Pharmacop. §. 448.) spiri-
tum purgantem, seu infusum Scammonii spiritu vini Malvatici pa-
ratum, sine ullo fastidio aut molestiâ purgare: unde solutivorum
istiusmodi spirituum, non infreqvens hodiè etiamnum usus *est* in
Curâ Virginum & delicatulorum, qvi à majori dosi abhorrent,
Vratislaviæ, Dresdæ, alibi. Novi tamē exempla eorum, qvi
post assumptum, arbitrio Medici, ejusmodi spiritum, pessimè po-
tius habuerunt, insignes ventriculi ac intestinorum dolores, tre-
mores artuum, corporis totius imbecillitatem, & plusquam-bi-
duanam Anorexiā postea perpesi. Ratio, meo qvidem arbi-
trio, est, qvod partes spiritus purgatrices, per viam præcipitatio-
nis in ventriculo aut intestinis ad pristinum Resinæ suæ habitum
(si frigidus præsertim aliquis haustus superbibitus fuerit) sunt re-
gressæ. Hinc præcipitatæ Tunicis intestinorum hærent, tormina,
jacturam virium suscitant, & qvibus syncopas non rarò, convulsio-
nes, ac tremores, & nisi maturè abstergantur ferociaqve eorum
sopiat, lethales aut periculosa tandem Hypercatharses seu su-
perpurgationes gignunt: cui sententiæ meæ insigne robur addit
expertissimi autoritas ZVELFERI, qvi (Append. in Pharm.
Reg. Class. 4. p. m. 7.) videatur ut plura hic non addam.

Jam, qvod auras Thermarum Metallicas, beneficio salis
subterranei à minēris suis abrosas vicissim attinet, ut de modo i-
dentidem dicatur, qvo illæ Tophos ad marginem deponant, no-
tare convenit vel consistere eas in substantiâ minus volatili, & so-
lutas esse tantum in pulverem impalpabilem, aut atomos, aciem
oculi fugientes: abstractâ verò humiditate, magis magisqve rur-
sus sibi associari, copia in unâ aliquâ parte augeri, fundum petere,
coagulatasqye aut induratas ibidem obhærere: vel natura gau-
dere prorsus volatili, ac variè in sanguine divagari, donec à causa
rursus aliqua figantur & forma fabuli cujuspiam, oculis se sub-
mittant. Ad qvorum posterius assertum vindicandum HEL-
MONTIUS spiritum alium qvempiam æqvè fugacem afferre vi-
detur & declarare qvidem exemplo calculi Vesicæ, eandem ta-

*Spiritus Gi-
ni purgans.*

*Modus quo
Tophi ad lim-
bos Therma-
rum depo-
nuntur.*

*Paradoxum
Helmontii.*